



Sarajevo, 06.05.2021. godine
Broj: NO - 12872/21 - 52./30.

SKUPŠTINA DRUŠTVA

Predmet: Donošenje Odluke o odobravanju sredstava za davanje pozajmica zavisnim društvima – rudnicima uglja

Na osnovu člana 7. a i 14a. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj: 06-14208/20 od 29.05.2020.godine, a u vezi sa članom 41. tačka a) Zakona o javnim preduzećima u Federaciji Bosne i Hercegovine ("Službene novine Federacije BiH", broj: 8/05, 81/08, 22/09 i 109/12) i člana 139. stav (1) tačka a) Statuta Javnog preduzeća Elektroprivreda Bosne i Hercegovine d.d. – Sarajevo (prečišćeni tekst), broj: NO-2190/21-41./2. od 25.01.2021. godine, dostavlja se prijedlog Odluke o odobravanju sredstava za davanje pozajmica zavisnim društvima – rudnicima uglja.

Obrazloženje:

Aktivnosti koje se vode u Vladajućem društvu vezano za restrukturiranje zavisnih društava - rudnika uglja, imaju za cilj da zavisna društva - rudnici uglja budu potpuno reorganizirana, sa jasnom vizijom budućnosti, potrebnim proizvodnim kapacitetima i opremom koja će biti dovoljna za rentabilno poslovanje rudnika.

U skladu sa planom aktivnosti na restrukturiranju zavisnih društava - rudnika uglja poduzeto je sljedeće:

- Doneseni su pravilnici o organizaciji za svih 7 zavisnih društava – rudnika uglja kojima se uspostavlja organizacija koja treba procese učiniti racionalnim i efikasnijim. Sve potporne funkcije (procesu podrške) iz dosadašnjih proizvodnih pogona se centralizuju i prelaze u nadležnost jednog ili dva Pomoćnika direktora. Poslovi u potpornim funkcijama grupisani su u sektore i službe sa jasno navedenim poslovima i nadležnostima, čime se smanjuje broj zaposlenika u istim u odnosu na broj zaposlenika u proizvodnim organizacionim cjelinama. U proizvodnim pogonima su jasno definisani poslovi i nadležnosti sa akcentom na ostvarenje definisanih radnih parametara u planu poslovanja, a uz poštivanje mjera i nadležnosti koje su definisane Zakonom o rudarstvu FBiH. Poslovi održavanja i remonta su centralizovani u zasebnu Radnu jedinicu sa tendencijom da u II fazi budu pripojeni TTU Energetik-u ili da budu formirani kao novo zavisno društvo JP Elektroprivreda BiH d.d. - Sarajevo. Također su izdvojene grupe poslova za geološka istraživanja, laboratorijska ispitivanja, projektovanje i zaštitu koje bi u narednom periodu bile izdvojene u novo zavisno društvo JP Elektroprivreda BiH d.d. - Sarajevo.
- Doneseni su Pravilnici o sistematizaciji radnih mjesta za 6 zavisnih društava - rudnika uglja na način da je ukupan broj uposlenih određen prema potrebi za nesmetano odvijanje tehnološkog procesa uz uvažavanje potreba za radnim mjestima predviđenih u Zakonu o rudarstvu FBiH i pravilnika o tehničkim normativima za oblast rudarstva, a sve na osnovu učešća troškova radne snage u ukupnim prihodima koji zavisna društva-rudnike uglja čini samoodrživim;



MS2004119.00 MS2004219.00

Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
1610000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - Sberbank BH d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektro distribucija», Bihać, Bosanska 25
«Elektro distribucija», Mostar, Adema Buča 34
«Elektro distribucija», Sarajevo, Zmaja od Bosne 49
«Elektro distribucija», Tuzla, Rudarska 38
«Elektro distribucija», Zenica, Safvet bega Bašagića 6

- U toku su aktivnosti na usaglašavanju i donošenju novih pravilnika o radu, pravilnika o radnom učinku (jedinstveni za sve rudnike, sa utvrđenom metodologijom za obračun plata gdje će mjesečna primanja radnika ovisiti od ispunjavanja planiranih proizvodnih rezultata) i ostalih akata i pravilnika u zavisnim društvima rudnicima uglja;
- Završena je izrada elaborata o formiranju novog zavisnog društva za geološka istraživanja, ispitivanja, projektovanja i zaštitu;
- U toku je aktivnost načina rješavanja viška radnika u zavisnim društvima – rudnicima uglja. Nakon što se urade Elaborati o formiranju novih zavisnih društva za geološka istraživanja, laboratorijska ispitivanja, projektovanje i zaštitu i za poslove održavanja i remonta opreme za proces proizvodnje, iz postojećeg planiranog broja radnika u zavisnim društvima rudnicima uglja, u osnovnoj djelatnosti bi ostao samo potreban broj radnika za proizvodnju uglja – osnovnu djelatnost. Jedan broj radnika je planiran da pređe u nova zavisna društva, dok bi dio radnika trebao biti zbrinut podsticajnim otpremninama, te penzionisanjem, uz uslov da se za iste obzabijede sredstva za izmirenje neuplaćenih doprinosa za PIO/MIO i nezaposlene. Osim toga, radnicima će biti ponuđene i mogućnosti prekvalifikacije na teret poslodavca.
- Urađen je Elaborat „Analiza i projekcije potreba za ugljem u EPBiH do 2050. godine s projekcijom dinamike obustave rudničkih kopova/pogona“, koji je usvojen od strane Uprave JP Elektroprivreda BiH d.d. - Sarajevo na 87 sjednici održanoj 30.03.2021. godine i Nadzornog odbora JP Elektroprivreda BiH d.d. - Sarajevo na prvom dijelu 52. sjednice održane 29.04.2021. godine. U skladu sa navedenim dokumentom, očekuje se sljedeće:
 - o rudnici će biti potpuno reorganizirani, sa jasnom vizijom budućnosti, potrebnim kapacitetima i opremom koja će biti dovoljna za rentabilno poslovanje rudnika;
 - o na osnovu stvarnih potreba za ugljem koje su iskazane u dugoročnom elektroenergetskom bilansu u JP Elektroprivreda BIH i detaljno ispitanog tržišta uglja, definisani su ulazni parametri za izrade organizacija, sistematizacija i potrebnih proizvodnih kapaciteta u rudnicima;
 - o organizacije i sistematizacije u rudnicima će definisati potreban broj radnika koji će imati sigurnu budućnost i sigurnije uslove za rad;
 - o jasno će biti definisani periodi rada svakog rudnika.

Proces reorganizacije zavisnih društava rudnika uglja je složen projekt JP Elektroprivreda BiH sa aktivnostima koje do sada nisu pokretane u ovolikom obimu. Realizacija pokrenutih mjera, poslova i aktivnosti ide zadovoljavajućom dinamikom.

Da bi se ostvario elektroenergetski bilans, potrebno je obezbijediti dovoljne količine uglja za proizvodnju električne energije. Zbog smanjenje proizvodnje i plasmana uglja u zavisnim društvima rudnicima uglja u odnosu na plan u ranijem periodu i visokog učešća troškova koji se odnose na radnike došlo je do rasta obaveza koje nisu bili u mogućnosti izmirivati iz tekućeg poslovanja, zbog čega su često blokirani računi zavisnih društava-rudnika uglja.

Poseban problem u poslovanju zavisnih društava - rudnika uglja predstavljaju:

- Nemogućnost blagovremenog penzionisanja radnika zbog velikih neizmirenih obaveza po osnovu doprinosa za PIO/MIO, nezaposlene iz ranijeg perioda;
- Nemogućnost smanjenja broja radnika putem podsticajnih otpremnina, zbog nedostatka sredstava za isplatu podsticajnih otpremnina,



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo
 Porezni broj: 4200225150005, PDV broj: 200225150005
 3389002208746755 - UniCredit banka d.d. Mostar
 1549212003366506 - Intesa SanPaolo banka d.d. BiH Sarajevo
 1610000005160023 - Raiffeisen Bank d.d. BiH Sarajevo
 1990490176075902 - Sparkasse Bank d.d. BiH Sarajevo
 1401011110000812 - Sberbank BH d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
 Termoelektrana «Kakanj», Kakanj, Čatići
 Termoelektrana «Tuzla», Tuzla, 21. aprila 4
 «Elektro distribucija», Bihać, Bosanska 25
 «Elektro distribucija», Mostar, Adema Buća 34
 «Elektro distribucija», Sarajevo, Zmaja od Bosne 49
 «Elektro distribucija», Tuzla, Rudarska 38
 «Elektro distribucija», Zenica, Safvet bega Bašagića 6

- Nemogućnost nabavke rezervnih dijelova i opreme za dovođenje mehanizacije i opreme i ispravno stanje za obezbjeđenje planirane proizvodnje;
- Česte blokade računa zbog neblagovremenog plaćanja obaveza prema dobavljačima,

Zbog naprijed navedenih razloga, JP Elektroprivreda BiH d.d. Sarajevo je, kako bi obezbijedila planiranu proizvodnju električne energije, a samim time i dovoljne količine uglja, vršila avansne uplate po osnovu ugovora o isporuci uglja zavisnih društava - rudnika uglja.

Obzirom da zavisna društva - rudnici uglja, nisu u mogućnosti da obezbijede sredstva za redovno i prijevremeno penzionisanje radnika, sredstva za zbrinjavanje viška radnika koji nisu u osnovnoj djelatnosti, sredstva za nabavku rezervnih dijelova i opreme, predlažem da se, za tu namjenu pokrene aktivnost donošenja Odluke o odobravanju sredstava za davanje pozajmica zavisnim društvima – rudnicima uglja. U skladu sa Odlukom o odobravanju sredstava za davanje pozajmica zavisnim društvima – rudnicima uglja, ukupan iznos pozajmice bi se za svako zavisno društvo-rudnik uglja rasporedio posebnim odlukama Nadzornog odbora JP Elektroprivreda BiH d.d. Sarajevo. Nadalje, JP Elektroprivreda BiH d.d.- Sarajevo i svako zavisno društvo – rudnik uglja bi zaključilo poseban Ugovor o pozajmici kojim bi se detaljno odredili i definisali svi elementi u uslovi davanja i povrata sredstava odobrenih na ime pozajmice u skladu sa naprijed navedenom odlukom Nadzornog odbora JP Elektroprivreda BiH d.d.- Sarajevo.

Svako zavisno društvo – rudnik uglja bi trebalo otvoriti namjenski račun na koji bi JP Elektroprivreda BiH d.d.- Sarajevo izvršila doznaku sredstava na ime pozajmice.

Povrat doznačenih sredstava na ime pozajmice bi se vršio putem kompenzacije novčanog iznosa mjesečne rate i novčanog potraživanja zavisnih društava – rudnika uglja prema JP Elektroprivreda BiH d.d. Sarajevo nastalih isporukom uglja, prema ugovoru o isporuci uglja, u iznosu rate pozajmice, a što bi se detaljno odredilo posebnim ugovorom sa svakim zavisnim društvom – rudnikom uglja.

Nadzorni odbor JP Elektroprivreda BiH d.d.- Sarajevo bi pratio i nadzirao realizaciju Odluke o odobravanju sredstava za davanje pozajmica zavisnim društvima – rudnicima uglja.

Uzimajući u obzir sve prethodno navedeno, Nadzorni odbor je na nastavku 52. sjednice održanom 06.05.2021. godine utvrdio Prijedlog Odluke o odobravanju sredstava za davanje pozajmica zavisnim društvima – rudnicima uglja, te istu prosljeđuje Skupštini Društva na odlučivanje S poštovanjem,

Prilog. Kao u tekstu

Co:

- 10
- a/a

Predsjednik
Nadzornog odbora
Dr.scij. Izet Žigić




Vilsonovo šetalište 15, 71000 Sarajevo, BiH,

Reg. broj: UF/1-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
1610000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - Sberbank BH d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektro distribucija», Bihać, Bosanska 25
«Elektro distribucija», Mostar, Adema Buća 34
«Elektro distribucija», Sarajevo, Zmaja od Bosne 49
«Elektro distribucija», Tuzla, Rudarska 38
«Elektro distribucija», Zenica, Safvet bega Bašagića 6



PRIJEDLOG ODLUKE
koga Skupštini Društva u niže izloženom tekstu radi
donošnja upućuje:

Nadzorni odbor
JP Elektroprivreda BiH d.d. - Sarajevo
Predsjednik

dr. scij. Zet Žigić

Sarajevo, 06.05.2021. godine

Na osnovu člana 41. tačka a) Zakona o javnim preduzećima u Federaciji Bosne i Hercegovine ("Službene novine Federacije BiH", broj: 8/05, 81/08, 22/09 i 109/12), člana 62. tačka 24. i člana 139. stav (1) tačka a) Statuta Javnog preduzeća Elektroprivreda Bosne i Hercegovine d.d. – Sarajevo (prečišćeni tekst), broj: NO-2190/21-41./2. od 25.01.2021. godina, Skupština JP Elektroprivreda BiH d.d. - Sarajevo, održana dana: _____ 2021. godine, donosi:

ODLUKU

o odobravanju sredstava za davanje pozajmica zavisnim društvima – rudnicima uglja

Član 1.

Ovom Odlukom se odobravaju sredstva za davanje pozajmica zavisnim društvima – rudnicima uglja u ukupnom iznosu od 125.000.000,00 KM (slovima: stodvadesetpetmilionaKM), radi finansiranja podsticajnih mjera sporazumnog prestanka ugovora o radu, finansiranje zaostalih obaveza doprinosa za PIO/MIO i doprinosa za nezaposlene, finansiranje troškova za prekvalifikaciju/dokvalifikaciju radnika i finansiranje izmirenja ostalih troškova poslovanja iz prethodnog perioda, u skladu sa uvjetima utvrđenim ovom Odlukom.

Član 2.

Ukupan iznos pozajmice će se rasporediti zavisnim društvima – rudnicima uglja posebnim odlukama Nadzornog odbora JP Elektroprivreda BiH d.d. Sarajevo, za svako zavisno društvo-rudnik uglja.

Član 3.

Pozajmica se daje zavisnim društvima – rudnicima uglja na period od maksimalno 120 (stotinuidvadeset) mjeseci, s tim da se odobrava grace period u trajanju od 24 (dvadesetičetiri) mjeseca od uplate sredstava pozajmice na namjenski račun svakog zavisnog Društva – rudnika uglja i koji ulazi u period povrata.

Kamatna stopa na realizovani iznos pozajmice iz člana 2. ove Odluke će biti u visini od 1,5% na godišnjem nivou

JP Elektroprivreda BiH d.d.- Sarajevo i svako zavisno društvo – rudnik uglja će zaključivati posebne Ugovore o pozajmici kojima će se odrediti i definisati svi elementi davanja i povrata sredstava odobrenih na ime pozajmice u skladu sa odlukom Nadzornog odbora JP Elektroprivreda BiH d.d.- Sarajevo.

Član 4.

Pozajmica će se realizirati doznakom na namjenski račun, koji će za tu potrebu otvoriti svako zavisno društvo – rudnik uglja.

Povrat pozajmice će se realizirati kompenzacijom novčanog iznosa mjesečne rate i novčanog potraživanja zavisnih društava – rudnika uglja prema JP Elektroprivreda BiH d.d. Sarajevo nastalih isporukom uglja, prema ugovoru o isporuci uglja, u iznosu rate pozajmice, o čemu će se detalji utvrditi posebnim ugovorom sa svakim zavisnim društvom – rudnikom uglja.

Član 5.

Rok za davanje pozajmica zavisnim društvima – rudnicima uglja za finansiranje aktivnosti iz člana 1. je najkasnije 31.12.2022. godine.

Član 6.

Nadzorni odbor JP Elektroprivreda BiH d.d.- Sarajevo će pratiti realizaciju ove Odluke.

Član 7.

Ova Odluka stupa na snagu danom donošenja.

Broj:
Sarajevo, 2021. godine

Predsjednik
Skupštine Društva